

Juancho Pablo, un ehempel di disciplina y amor pa deporte


Condecorá pa Gobierno



SETAR

SERVICIO DI TELECOMUNICACION DI ARUBA
SEROE BLANCO
P.O. BOX 13 - ORANJESTAD, ARUBA

Nos compania
Nacional SETAR ta
felicita henter e pueblo
di Aruba cu Dia di nos
Himno y Bandera.



Juancho Pablo

Aruba den su historia a conocé hopi futbolista di caliber halto. Cuanto di nos orguyonan no a defendé honor di país Aruba cu alma y culpa.

Entre nos orguyonan tin un cu ta ser considerá esun di mas grandi. Su nomber ta Juan Maximo Pablo nací na Aruba dia 18 di November di 1938 y nunca a bandoná su barrio di Dakota.

Juancho Pablo ta jiu di un famia dedicá na deporte specialmente na e deporte Rey...futbol.

Na edad di 10 aña Juancho a cuminzá anotá den e team hubenil di Dakota. Noa dura mucho cu Juancho a haya un posicion regular den Dakota, cual posicion tambe a bira amo y señor te na su retiro.

Juancho a bira capitan di su ekipo, seleccion di Aruba y tambe di seleccion di Antiyas. Su tiro fuerte a compensá Juancho cu e posicion di puntero derecho na inicio di su carrera, pa despues riba recomendacion di un entrenador Brasileiro e bai cubri e posicion defensa central.

Su conviccion, caracter firme, deseo di gana y disciplina ta virtudnan cu a conduci Juancho den su carrera exitoso. Juancho por mira atras riba mas cu 50 wega internacional, un record cu ta hopi dificil di asercá,

menos superá. Juancho a hunga na Aruba, Boneiro, Corsow, Trinidad, Costa Rica, Mexico, San Salvador, Honduras, Venezuela, Surnam, Guatemala, Puerto Rico, Hulanda, Alemania y Dinamarca. Na Costa Rica Juancho a hunga den shete ocasion.

Deportistanan actual por tuma Juancho como ehempel. Un deportista tur afó, un persona discipliná, un cabayero tanto paden como pafó di terreno. Tambe mester remarcá cu Juancho nunca a wordo expulsá durante un wega deportivo, esey ta muestra un hungador ehemplar y su amor pa deporte. Na aña 1966 Juancho a keda elegí deportista di aña ASU.

Juancho a terminá su carrera riba 4 di April 1973 dia Dakota a gana Estrella terminando su carrera cu un victoria.

Despues Juancho a sigui cu su trabao di entrenador siguiendo cursonan na Mexico, Trinidad y Antiyas, pa despues por a dirigí su ekipo di Dakota y seleccion di Aruba pa ocho aña. Juancho no ta activo mas pa motibo di un lesion serio na rudiya. Juancho su éxito mas grandi den su carrera futbolístico ta dia cu el a wordo selecta como e único hungador di Aruba den seleccion di Antiyas enfrentando Costa Rica y saboreando un victoria di 2-0 contra e seleccion Costa Ricense den un wega di eliminacion pa mundial.

E decepcion mas grandi di Juancho ta cu su ekipo no por a bira campeón di Antiyas. No obstante su decepcion cu su ekipo, nunca el a bandoná su ekipo di barrio Dakota.

Terminal di crucero tambe ta celebrá dia nacional cu bishitantenan

En conexion cu e programa di entretenimento na e terminal di crucero, lo tin un celebracion di e Dia Nacional di Aruba cual lo tuma lugar riba e propio 18 di Maart.

Esaki lo ta for di 11'or di mainta pa 2'or di atardi den e sala di yegada di e terminal y lo tin presentacion special di e grupo di baile Pierewietje, compañá pa Tipico Los Amigos, kendenan a caba di lanza un CD nobo riba mercado cual ta dedica specialmente na Aruba.

Na e ocasion aki, pasaheronan di e barconan "Sunbird" cu un total di 1575 pasahero, "Jubilee" cu 1486 y "Crown Dynasty" cu 850 pasahero lo tin e oportunidad único aki dipurba un tiki di Aruba su boca dushinan manera tert, cocada, ponche crema, coecoie y conocé un tiki mas di Aruba su cultura y música dushi.



Fundacion Betico Croes

Ta felicita pueblo en general cu
nos glorioso
Dia di Himno y Bandera.

18 di Maart ta un dia recorda y refleha
riba tur e gobernantenan di e
Gran Estadista, nos Libertador,
BETICO CROES.

"Nos ta un pueblo uni cu nos Himno y Bandera". (Betico Croes)

E mihor manera cu nos por sigui recorda Nos Libertador Sr. Betico Croes ta, sigui e ehempel di su energia incansabel y su perseverancia, trahando pa nos pais ARUBA.

